

QUÆSTIO MEDICA,

1572

Quodlibetariis disputationibus manè discutienda in Scholis Medicorum, die Jovis vigesimâ-quartâ Januarii 1704.

M. BERTINO DIEUXIVOYE, Doctore Medico, & antiquiore Scholarum Magistro, Præside.

An profligandis morbis impares Venæsectio & Purgatio?

CONTUMELIOSUS est & insensus naturæ, qui contempto temperamento, qualitates primas nobis familiares atque connatas explodit. Quaternæ prostant, ex quibus efficacîâ potiores Calor & Frigus ab Hippocrate celebrantur; binæ aliæ, Humiditas, atque Siccitas, licet earum expressè non meminerit, quoniam vix activæ, haud minùs ab illo intellectæ sunt, quàm ab eximîis elementorum assertoribus. Medicum itaque Physicum Philosophumve sensibilem dicas, perinde est; is dulces, amarum, salsum, acidum, acre, alkali à sale & kali fictio nomine, coagulum, fermentum, & id genus multa lubens loquitur, quoniam in enodandâ singulorum naturâ ad prima Veterum elementa facîle revocantur, juxta quæ iisque annexas qualitates primas veritatem illi prosequuti sunt, nusquam è puteo Democriti, quo demersa credebatur, melius aut certius revocandam, quàm illâ Veterum philosophandi ratione: & sanè calor, frigoris, siccitatis & humiditatis, elementorum, & ex iis suâ quibusque invicem proportionem commixtis temperamenti & intemperiei vocabulorum usus fide invaluit scriptis vel ore tenus Philosophorum, ut, qui novitatis studiosi syllematum cacoëthe magis laborant, illi, licet incauti & inviti, vulgatis nominibus ac pridem receptis suam doctrinam evulgent, quæ à veteri nusquam reipsâ, sed nominibus duntaxat, dissente visâ est: adeò malè certa est Novarum peritia, quæ communibus Veterum Philosopho-Medicorum loquendi formulis carere, vel Intemperiei cacochymicæ atque Plethoræ mentionem prætermittere nondum novit.

ET reverâ Intemperies atque Plethora morborum omnium interiores sunt causæ, quæ sanguini acceptæ referuntur. Sed ambarum utra pejor censenda, majorisque momenti videtur? Ea est prosectò Plethora, seu ad vasa seu ad vires nuncupetur: licet enim illa periculi præsentia, quod instat, fatum minetur, nî statim occurreris, nihilominùs tamen in plenitudine ad vires dictâ, quia morû putrescunt aquæ, & unâ cum calore spiritus suffocari nihil vetat, alacrius insurgit, quoniam calor extraneus atque febrilis sensum mitescens fit temperatus, qui solus coquere & ad purgationem indomitos prius humores disponere, suisque statim insigniis reddita serenitatis argumenta, nube sursum in urinâ suspensâ, humoribus morbosicis nonnullâ crassitie conciliatâ, symptomatumque commoderatione promere potest, quibus elucescentibus, in omen affuturæ securitatis, ampla se præbet occasio instituendæ Purgationis, quæ totum digerendi cathartici, quod tunc ciendis turbis, nec usquam bonis ægri rebus, comparatur.

EX humoribus majori vitæ dispendio seditionem nullus concitat, quàm Sanguis, quoniam omnium perfectissimus atque maximè necessarius habetur. Siquidem, quicquid is est, partes omnes corporis animat, firmat, alit, auger, verbo dicam, spiritibus nobilissimis animæ organis, quibus vita & actio continentur, humido primigenio materiam suppeditat atque semini, muliebri æquè ac virili fecundo, quod ipsi speciei ut perpetuitatis ipsæ causam, ceu notâ fœdatur, ubi quod plus habet dignitatis, mox è suo perfectionis gradu in statum priori contrarium degener factus propriam exit naturam, & sibi admodum nocet pessimus ex optimo redditus, adeò ut labefactis prorsus venenatos, pestilentes, & id genus alios potissimum nasci, quorum putredinis ratio verbis vix explicari possit.

AT enim, dum nimietate suâ sanguis sibi adeò insensus est, vel percepto calore extraneo rarefit, suos tantæ copię ferendæ impares parietes, nec citra vitæ discrimen, rumpit, vel, si vasorum clausulis pressus remanens minimè, præcipuo sanguinis vitio, Plethoræ nimirum arcendæ, unica Venæsectio convenire potest. Cætera levioris armaturæ præsidia sint, quæ evacuant, sanguifuge, vesicantia, cantharides, derafio capitis comatosorum, quæ ad instar duræ frictiois est, parvi fiant, ne, si nimis confidenter illis aliquando utaris, altero prætermisso artis maximo præsidio, te tua spes fallat. Hinc enim Epaphræsis & inde Catharsis, tempestivè adhibita, omnem medendo paginam complent.

LICET verò Venæsectionis, tanquam *ἡγαιον* & universalis remedii necessitatem multa, quæ assert in medendo, comoda celebrent, nihilominùs tamen Purgationis utilitatem ejusque indicationem quandam esse naturæ ipsius, digito quasi commonstrat lactis materni colostrum, quod illa parens optima, quæ conductitiâ nutricem refragatur, recens natis infantibus offert, ut purgans in omnibus statim à partu animantibus utilissimum. Namque si sua medicina deest infanti, ipsi molli cassia statim subministratur, cujus ope nitentibus visceribus nutritiis, submotisque hoc modo collectis per gestationem sordibus, quæ puerilium morborum causæ sunt, firmiora felicioris valetudinis in posterum fundamenta jaciuntur. Sors eadem recens ablactatis contingit, scilicet ob capitis infirmitatem, majorem jecoris molem, mollioremque & rariorem corporis texturam, quemadmodum pluribus patet turbis lactentium & ablactatorum ætas, sic & fato prematurè obeundo longè magis obnoxia est, quàm alia quævis ad senium ætas: aut si quæ tardandi fati ratio datur, ea est Catharsis, qua quidem tempestivè repetita, ubi, quicquid in primis ætatibus elucet. Nec id citra Medici industriam, qui velut in aucupio positus nunc præcaver, nunc agit, scilicet hac illave ratione opportunè vacuando cautionem adhibere hic vir unus novit non minùs medendi peritiâ, quàm suâ probitate commendabilis.

Ergo profligandis morbis non impares Venæsectio & Purgatio.

DOMINI DOCTORES DISPUTATURI.

M. Philippus Cæron, Pharmacia, Chimiæ Galenicæ Professor.
M. Ambrosius Nicolaus Chemineau.
M. Joannes Gelly.

M. Michaël Sauvale.
M. Claudius Barlet, è Regiâ scientiarum Academiâ.
M. Alexander Petrus Mattot.

M. Ludovicus Poirior.
M. Petrus Bonnet Bourdelot, Serenissime Ducissæ Burgundiæ, Medicus primarius, nec non Regiæ perpetuò ordinarius.
M. Joannes-Baptista Renatus Moreau, Professor Regius.

Proponebat Parisiis JACOBUS BENIGNUS WINSLOW, Danus Othonienfis, Baccalaureus Medicus. A. R. S. H. 1704.

